

TABULA 697.
ARUM CAMPANULATUM.

MONOECIA POLYANDRIA.

CHAR: ESSENT: *Spatha* 1-phylla, cucullata. *Spadix* supra nudus, inferne femineus, medio stamineus. Infra *glandulae* cirrhosae. *Bacca* ut plurimum monosperma.

ARUM *campanulatum*: acaule; foliis decompositis; floribus ad radicem sessilibus, foliis demum marcidis provenientibus; *spatha* spadice longitudine, campanulata, margine revoluta; *nectario* nullo; *clava* late-ovata, lobata; *antheris* bilocularibus. *ROXBURGH* *Corom.* Vol. III. p. 68. t. 272.

SCHENA et MULENSCHENA: *REEED.* *Malabar.* Vol. VII. p. 35. et 37. tab. 18. 19.

TANA *sativa*: *RUMPH.* *Amboin.* Vol. V. p. 324.

SANSCRIT, CAUDA. *Karula* s. *Kulla.* *Teling.* *Manchy-Cauda.* *Bengal.* *Waat.*

Provenit sponte locis nudis, in sylvaticis, prope Calcuttam. Floret initio tempestatis pluviosae. ♀.

RADIX *perennis*, tuberosa, orbiculata, cortice obscure fusco tecta, in solo forbile magnitudine capitis infantis; plura tubera minora, e radicis communis variis laetis segregantur; quibus ad plantam cultura multiplicandam utuntur.

FOLIA *radicalia*; ut plurimum unicum aut duo, decomposita, partitionibus apice pinnatifidis, laciniis oblique oblongis, acuminatis, glabris, inaequalibus; exterioribus semper inferioribus, multo longioribus. Totius folii magnitudo unum vel tres aequat pedes.

PETIOLI *teretes*, maculis oblongis, nebulosis, atro-viridibus, speciose picti, glabri, longitudine circiter foliorum.

SPATHA *amplissima*, coriacea, campanulato margine revoluta, utrinque glabra; exterius ad basin pallide viridis, medio atro-viridis, et versus marginem virescenti-purpurea; interius versus marginem lutescenti-purpurea, medio pallide lutea, et apice atro-purpureo punctata. Orificium spathae pedis unius diametrum aequans; longitudine circiter eadem perpendiculari.

SPADIX *longitudine* fere spathae; cujus inferior tertia pars, s. pistillifera, cylindracea; media s. staminifera fere turbinata; clava s. tertia pars superior, dilatata, abbreviatio-conica, seu subglobosa, obscure purpurea, vario modo lobata et rugulosa; in adulta et perfecta sex uncias lata, et quatuor longa.

FILAMENTA *novem*. *Antherae* circum partem turbinatam medium spadice firmiter adpactae, lineares, biloculares, apice ad exitum pollinis foraminibus utrinque duobus; cujus immersa quantitas, quae ex his foraminibus effunditur, et ad pistilla profluit, vix concipi potest. *Filamenta* nectarifera nulla.

PISTILLUM: *Germine* plurima orbiculata. *Stylus* subulatus, crassus, coloratus. *FRUCTUM*: *Baccae* plurimae, obovatae, rubicundae, magna pulpae quantitate repletae.

SEMEN unicum vel tria, in bacca singula. *ROXB.* *l. c.*

Planta naturali magnitudine.